



Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY

Organi Shqyrtues i Prokurimit (OSHP) Rruga "MIGJENI" (ish-Banka e Ljubllanës) Kati V-të, Prishtinë, Kosovë
Tel: +383 38 212 309 e-mail: oshp@rks-gov.net

Psh. Nr. 937/23

Paneli Shqyrtues i Prokurimit, i emëruar nga OSHP sipas nenit 98, 99 lidhur me nenin 105 dhe 106 të Ligjit për Prokurim Publik në Republikën e Kosovës dhe nenit 32 të Rregullores së Punës në OSHP, në përbërje nga Vedat Poterqoi - Kryetar, Isa Hasani – Anëtar dhe Vjosa Gradinaj Mexhuani - Anëtare, duke vendosur lidhur me kërkesën për “paraqitjen e të dhënave të rreme ose të një dokumenti të falsifikuar nga operatori ekonomik” e parashikuar me nenin 99, paragrafi 2, i LPP, e parashtruar me datën 31.07.2023 nga Komuna e Gjakovës në cilësinë e Autoritetit Kontraktues (AK) ndaj operatorit ekonomik “Arben Murtezaj” B.I, lidhur me aktivitetin e prokurimit “Furnizim me pelet” me nr. Prokurimi 632-23-4513-1-2-1, me 28.12.2023, mori:

V E N D I M

1. Aprovohet si e bazuar kërkesa e datës 31.07.2023, Nr. Protokolli 937/23 e Komunës së Gjakovës, e parashtruar në cilësinë e Autoritetit Kontraktues (AK), për shkak të paraqitjes të dhënave të rreme ose të një dokumenti të falsifikuar nga operatori ekonomik, sipas nenit 99 paragrafi 2 të LPP-së, kurse “Arben Murtezaj” B.I, diskualifikohet nga pjesëmarrja në aktivitetin e prokurimit “Furnizim me pelet” me nr. Prokurimi 632-23-4513-1-2-1, dhe i ndalohet pjesëmarrja në aktivitetet e prokurimit publik për periudhën kohore 6 muaj, duke filluar nga data 28.12.2023 deri me datën 27.06.2024.

2. Do të revokohet masën e shqiptuar si në paragrafin 1, të dispozitivit të këtij Vendimi, nga dita kur dhe nëse OSHP njoftohet me aktin e organeve kompetente, sipas të cilit vërtetohet se vepra e kualifikuar sipas paragrafit 1 të dispozitivit të këtij vendimi nuk është kryer.

A r s y e t i m

Me 31.07.2023, Komuna e Gjakovës në cilësinë e AK, ka dorëzuar në OSHP kërkesë për aplikim të masave sipas nenit 99 pika 2 të LPP, ndaj “Arben Murtezaj” B.I, nën pohimin se ekziston dyshimi për “paraqitjen e të dhënave të rreme ose të një dokumenti të falsifikuar nga ky operator ekonomik ashtu sikurse parashihet me nenin 99 par 2 të LPP.

Duke ju referuar kërkesës së cituar më sipër, konstatohet si arsye për marrjen e masave në pajtim me

nenin 99.2 të LPP, AK (me të dhënat si më sipër) ka deklaruar se “Arben Murtezaj ” B.I, në aktivitetin e prokurimit “Furnizim me pelet” me nr. prokurimi 632-23-4513-1-2-1, pasi i është dhënë kontrata për këtë aktivitet, nuk i është përgjigjur ftesës së Autoritetit kontraktues për nënshkrimin e kontratës edhe pse është ftuar disa herë përmes telefonit dhe e-mailit, me arsyetimin se kanë vështirësi financiare dhe se realizimi i kontratës për ta do të ishte i pamundshëm.

OSHP e ka njoftuar “Arben Murtezaj ” B.I, me kërkesën e AK - Komuna e Gjakovës për iniciimin e procedurës për paraqitjen e të dhënave të rreme ose të një dokumenti të falsifikuar, parashikuar në kuptim të nenit 99 paragrafi 2 të LPP, i njëjti për OSHP nuk ka kthyer përgjigje.

Paneli shqyrtues pas analizimit të akteve dhe veprimeve të palëve dhe pretendimeve reciproke të tyre, konstatoj se lënda në rastin konkret përmban dokumente dhe shkresa të mjaftueshme, mbi bazën e të cilave Paneli ka të drejtë të vendos në aspektin meritior pa prezencën e palëve, sikurse parashihet kjo me nenin 24 paragrafi 1 i Rregullores së Punës së OSHP.

Paneli Shqyrtues konstaton se Autoriteti kontraktues - Komuna e Gjakovës në përputhje me dispozitat e LPP-së ka iniciuar aktivitetin prokurimit “Furnizim me Pelet” dhe duke pasur për bazë kriteret e përcaktuara për kualifikim dhe kriteret e përcaktuara për vlerësim për kontratë ka rekomanduar OE “Arben Muretzaj” me çmim total prej 81,600.00 Euro. AK ka bërë publikimin për dhënie të kontratës dhe ka dorëzuar draft kontratën për nënshkrim të kontratës tek OE i rekomanduar i cili ka refuzuar nënshkrimin me arsyetimin se biznesi gjendet në një situatë jo të mirë financiare dhe kjo mund konsiderohet si arsyetim / justifikim për tërheqje nga kontrata për shkak se oferta është dorëzuar me datë 05.06.2023 ndërsa me datë 07.07.2023 është njoftuar OE për nënshkrim të kontratës dhe shkresës për diskualifikim. AK ka bashkangjitur e-malin e datës 07.07.2023 ku ka kërkuar nga OE i rekomanduar që në afat prej tri ditësh të shkoj në AK për nënshkrim të kontratës e cila kërkesë është refuzuar nga ana e OE-së.

Pra, rastin konkret kemi të bëjmë me një aktivitet të prokurimit i cili nuk ka pasur vonesa në vlerësim të ofertave, por AK brenda afati ligjor ka dal me rekomandim për dhënie të kontratës dhe OE ka qenë i vetëdijshëm për çmimet me të cilat ka ofertuar dhe i cili ka për obligim ligjor që ti përmbahet ofertës pasi që secili OE pjesëmarrës në një aktivitet të prokurimit duhet të përgjigjet për ofertën e cila është brenda validitetit në të kundërtën është vetëdijshëm se do ti konfiskohet sigurimi i ofertës dhe mund iniciohet kërkesë nga AK në Organin Shqyrtues të Prokurimit për marrjen e masave për diskualifikim. Po ashtu, dështimi i aktivitetit të prokurimit ka pasur pasoja për AK-në sepse pas publikimit të njoftimit për kontratë AK është detyruar që të anuloi krejt aktivitetin e prokurimit edhe pse kanë qenë 6 oferta dhe ka pasur oferta të pasuksesshme por me çmim më të lartë.

Duke u bazuar në faktet e vërtetuara në mënyrë të pavarur nga OSHP dhe të shpjeguara si më sipër, konsiderohen prova të mjaftueshme të cilat kanë krijuar bindjen e këtij Paneli se “Arben Murtezaj ” B.I ka vepruar në kundërshtim me Rregullat për Prokurim Publik dhe AK ka të drejtë të inicioj procedurën për diskualifikim në përputhje me nenin 99.2 të LPP-së. Ashtu që, AK ka paraqitur në OSHP, me 31.07.2023, kërkesë për inicimin e procedurës së diskualifikimit në kuptim të dispozitës së cituar si më sipër.

Paneli Shqyrtues konsideron se në këtë rast objektivisht lind detyrimi i OSHP, që ta zbatoj dispozitën e cituar si më sipër të LPP, sipas së cilës shprehimisht kërkohet që operatori ekonomik në rastin konkret të diskualifikohet nga pjesëmarrja në këtë aktivitet të prokurimit dhe (sipas gjykimit të pavarur të këtij Paneli) ti ndalohet e drejta për të marrë pjesë në aktivitet e prokurimit publik në periudhën kohore 6 muaj, duke filluar nga data 28.12.2023 deri me datën 27.06.2024. Megjithatë, Paneli Shqyrtues sqaron se masa e diskualifikimit, e shqiptuar dhe shpjeguar si më sipër, mund të revokohet nga momenti kur dhe/ose nëse OSHP njoftohet nga autoritetet kompetente se vepra e cituar dhe e komunikuar sipas paragrafit 1, të dispozitivit të këtij vendimi, nuk është kryer.

Paneli shqyrtues, duke u bazuar në atë që u tha si më lartë, vendosi si në dispozitiv të këtij vendimi.

Kryetar i Panelit Shqyrtues
Vedat Poterqoi



Këshillë Juridike:

Kundër këtij vendimi, pala e pakënaqur ka të drejtë që ti drejtohet Gjykatës Komerciale në Prishtinë me padi, në afat prej 30 ditësh nga data e pranimit të këtij vendimi.